

Gjaldið greiðist á gjalddaga sem er 1. mars 1999 og óskipt fyrir allt tímabilið, þó eigi síðar en á eindaga sem er 1. apríl 1999.

Innifalið í leyfisgjaldinu er hundahreinsunargjald ásamt ábyrgðartryggingu.

2. gr.

Handsömunargjald samkvæmt 6. gr. framangreindrar samþykktar er kr. 4.000.

3. gr.

Gjaldskrá þessi sem er samþykkt af bæjarstjórn Snæfellsbæjar er hér með staðfest samkvæmt 25. gr. laga nr. 7/1998 um hollustuhætti og mengunarvarnir til að öðlast þegar gildi.

*Umhverfisstjórnuneytinu, 8. febrúar 1999.*

F. h. r.

**Ingimar Sigurðsson.**

*Sigurbjörg Sæmundsdóttir.*

## REGLUGERÐ

### um breytingu á reglugerð nr. 128/1997 um hafnarríkiseftirlit.

1. gr.

Við VII. viðauka bætist nýr tölul. er verður 5. tölul., svohljóðandi:

5. Skoðunarmenn sem ekki fullnægja viðmiðununum hér að framan geta einnig öðlast viðurkenningu ef þeir störfuðu við hafnarríkiseftirlit hjá Siglingastofnun Íslands fyrir 30. janúar 1997.

2. gr.

Reglugerð þessi sem sett er samkvæmt lögum nr. 35/1993 um eftirlit með skipum ásamt síðari breytingum og með hliðsjón af tilskipun ráðsins nr. 96/40/EB frá 25. júní 1996 um kennivottorð fyrir skoðunarmenn sem annast hafnarríkiseftirlit staðfestist hér með til að öðlast þegar gildi.

*Samgönguráðuneytinu, 4. febrúar 1999.*

**Halldór Blöndal.**

*Jón Birgir Jónsson.*

## GJALDSKRÁ

### Hitaveitu Akraness og Borgarfjarðar.

1. gr.

Hitaveitan selur heitt vatn úr veitukerfi sínu í heildsölu og smásölu samkvæmt gjaldskrá þessari og reglugerð hitaveitunnar.

**Heildsala.**

2. gr.

Fast gjald Akraness er kr. 73.148.057 á ári og fast gjald Borgarbyggðar er kr. 28.776.265 á ári.

3. gr.

Breytilegt gjald er kr. 21,83 á rúmmetra. Gjaldið leiðréttist miðað við mælt hitastig, sbr. 17. gr. reglugerðar hitaveitunnar.

**Smásala.**

4. gr.

Fast gjald greiðist af öllu hituðu húsnæði. Heimilt er þó að veita undanþágu frá þessu ákvæði.

Fasta gjaldið reiknast út frá flatarmáli (F) samkvæmt fasteignamati. Flatarmál bifreiðageymslna er ekki tekið með flatarmáli íbúðarhúsnæðis, nema þær séu notaðar sem íbúðar- eða atvinnuhúsnæði.

Fast gjald á mánuði =  $F \times 11,60 \text{ kr./m}^2$ , ef F er minna en eða jafnt  $130 \text{ m}^2$ .

Fast gjald á mánuði =  $1.508 \text{ kr.} + (F - 130) \times 6,98 \text{ kr./m}^2$ , ef F er stærra en  $130 \text{ m}^2$ .

5. gr.

Gjald fyrir afnot af heita vatninu er:

a) Þeir sem greiða fast gjald samkvæmt 4. gr.: kr. 82,03 fyrir hvern rúmmetra vatns.

b) Þeir sem ekki greiða fast gjald samkvæmt 4. gr.: kr. 109,64 fyrir hvern rúmmetra vatns.

Gjaldið leiðréttist miðað við reiknað hitastig við húsvegg sbr. 18. gr. reglugerðar hitaveitunnar.

6. gr.

Vatnssala um hemil.

Vatnsgjald um hemil kr. 2.649 fyrir hvern mínútulíttra á mánuði.

7. gr.

Fyrir hvern mæli skal greiða mánaðarlega:

Fyrir mæli með nafnrennsli undir  $6 \text{ m}^3/\text{klst.}$ : 280 kr./mán.

Fyrir mæli með nafnrennsli yfir  $6 \text{ m}^3/\text{klst.}$ : 502 kr./mán.

8. gr.

Komi til lokunaraðgerða, sbr. 21. gr. reglugerðar HAB, skal greiða gjald kr. 1.543.

Fyrir aukaálestur af mæli skal greiða kr. 558.

9. gr.

Stofngjöld skal greiða miðað við rúmmál alls húsrýmis á lóð, samkvæmt fasteignamati. Heimilt er að undanskilja sérstakar óupphitaðar byggingar aðrar en bifreiðageymslur. Innifalið í stofngjaldi er heimæð allt að 25 m að lengd innan lóðarmarka og mælagrind.

Stofngjald skal vera:

Stærð húss:

allt að  $250 \text{ m}^3$

251 -  $500 \text{ m}^3$

501 -  $1500 \text{ m}^3$

1501 -  $6000 \text{ m}^3$

yfir  $6000 \text{ m}^3$

Stofngjald:

73.250 kr.

73.250 + 174,57 kr./ $\text{m}^3$  yfir  $250 \text{ m}^3$

116.892 + 102,45 kr./ $\text{m}^3$  yfir  $500 \text{ m}^3$

219.342 + 65,73 kr./ $\text{m}^3$  yfir  $1500 \text{ m}^3$

515.127 + 51,64 kr./ $\text{m}^3$  yfir  $6000 \text{ m}^3$

Lágmarksstofngjald fyrir íbúð í sambýlishúsi skal vera kr. 55.206. Sama gildir um annað húsnæði í slíkum byggingum.

Fyrir fleiri mælagrindur en eina skal greiða sérstakt mælagrindargjald. Mælagrindargjald er 16.698 kr./grind.

Gjald fyrir heimæðar, á skipulögðum þéttbýlissvæðum, sem eru lengri en 25 m innan lóðamarka er 3.344 kr./m umfram 25 m. Utan þéttbýlis kostar hitaveita heimæð allt að 50 m frá stofnlögn, en húseigandi greiðir það sem umfram er samkvæmt kostnaðarreikningi.

#### 10. gr.

Hitaveitugjöld samkvæmt gjaldskrá þessari eru miðuð við vísitölu neysliverðs í júlí 1998 sem er 183,6 stig.

Á gjöld þessi leggst virðisaukaskattur eins og hann er samkvæmt lögum á hverjum tíma.

Gjaldskrá þessi staðfestist hér með samkvæmt orkulögum nr. 58 29. apríl 1967 til að öðlast gildi 1. mars 1999 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 444 frá 17. júlí 1998.

*Iðnaðarráðuneytinu, 4. febrúar 1999.*

F. h. r.

**Jón Ingimarsson.**

*Katrín Jóhannsdóttir.*

## AUGLÝSING

### um óverulega breytingu á deiliskipulagi við Hjallahlíð - Klapparlóð í Mosfellsbæ.

Bæjarstjórn Mosfellsbæjar samþykkti breytingu á deiliskipulagi við Hjallahlíð – Klapparlóð í Mosfellsbæ, á fundi sínum þann 25. nóvember 1998. Breytingin felst í því að fjórum parhúsum og einu einbýlishúsi er breytt í fimm tveggja hæða fjölbýlishús auk þess sem byggðir eru 10 bílskúrar á lóðinni.

Greinargerð og uppdráttur hafa hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi og um leið fellur úr gildi deiliskipulag sem samþykkt var í bæjarstjórn 10. desember 1997.

*Bæjarverkfræðingurinn í Mosfellsbæ, 3. febrúar 1999.*

**Tryggvi Jónsson.**

## AUGLÝSING

### um breytt deiliskipulag í Hafnarfirði, Hafnarfjörður miðbær.

Samkvæmt skipulags- og byggingarlögum nr. 73/1997 samþykkti bæjarstjórn Hafnarfjarðar þann 26. janúar 1999 breytingu á deiliskipulagi, Hafnarfjörður miðbær.